



حركة التحرير الوطني الفلسطيني - فتح  
إقليم استراليا



## تمرّة رمضان

العدد رقم ٢٩

### سلطة جرجير

مكونات هذه السلطة :

جرجير + طماطم + بصل + خيار  
+ جوز + زيت زيتون + بهارات  
+ خل.



### السحلب


يشرب السحلب الساخن في فصل الشتاء .

مكوناته :

حليب + مستكة + ماء ورد + نشا + سكر + مكسرات  
للزينة.  
كما أن البعض يضيف عليه محلب من نبات بري اسمه  
سحلب.

### عين ظهور

عين ماء على باب الجنة تتبع من ساق  
شجرة إذا توجه أهل الجنة إلى الجنة  
مروا بشجرة يخرج من تحت ساقها  
عينان . وذكرت في القرآن الكريم في  
الآية رقم ٢١ من سورة الإنسان بسم الله  
الرحمن الرحيم (وسقاهم ربهم شرابا  
طهورا) صدق الله العظيم.





حركة التحرير الوطني الفلسطيني - فتح  
إقليم استراليا



حكاوي ستي

### معمول أصول

حليمة إهدي عاد فتحتي براسي طاقة قد ما بتبرمي على كل إشي نُكَلُّكْ نُكَلُّكْ فُش إشي عندك زي الناس دايماً لازم تكوني فردانية وما بتحبي تضي بين القوم ويصير سعرك بسعر الناس على إيش شوفة الحال وإلا هي فنظرة بلا عنطرة شوفي تا أقولك الشاطرة إللي بتعلم الناس الشطارة مش بنشوف حالها شاطرة ورفيقتها حمارة لع هيد بنفغش، هاظا معمول وإله أصول وإللي بتعرف سر المعمول بتصلها تتشاطر طول السنة مش ليلة عمل المعمول لا هاي شغلة طويلة هات تفهميها. يا تيتا ما هو شغلنكم بزق كلكم يم ما بتعملوا إلا معمول طيب في تفنن جديد إشي حلبي وإشي طرابلسي غير الفرنسي والإيطالي وكمان في حلو صيني وهندي يعني لازم تشكيلة وكمان في بنات بحين الابتكارات إشي بالعجينة وإشي بالحشوة كله عشرين ما نصير زي بعض، وهسعات بتقولي لي لازم نكون مثل بعض بس الشاطرة برضه رح تبين طيب كيف يا تيتا إشرحي لي؟

يا باي قديش بتحبي تشلعي حالك من جذورك يا ستي لو بتذكري إيش بنعمل طول السنة لعرفتي قديش بنسنتي بليلة المعمول، أول إشي بتذكري لما قلتك نقي الحب الأخضر من الزيتون النبالية ونقعين بالمي بدون ملح ليلتين وبعدينش خالينا أخوكي يعصرهن لحالهن وقتلك هاظ زيت مايع مش حاقد هاظ زيت معمول، وبتذكري لما جابو النمر أول رمضان وصرت كل يوم أقولك الحبة المدهنة عينها على جنب لأنها للمعمول وقديش كنت أقولك وإنتي تيزري بالتمر بديش شرش إبيض ولا قمع ولا عجمة تفلت وبعدها أخوكي فرمهن بماكينة اللحمة خطرتين، وبتذكري السمس إللي إيجاتا من حيفا وقت هاظا سمس خبز مش تحميص وقتلك بالفرن وتحتيه شائسة مبلولة خليه ينخبز بس ما يتحمص، وكم مرة قلتك السميد بدو يتصفي بالمصفاة تا يصير مثل الحرير، بالك كل وحدة بتعمل هيد ما ببين كيف عملت ومش رح أقولك على القمحات والسكرات والبهارات ما كل شي إله إشي بس إنتي مثل بنات اليوم روح على السوق واشتري أغراض وإفتحي الانترنت وخطوة خطوة مع الشيف، عشرين هيد معمولكن لا طعم ولا ريحة



يعني على أساس في فرق بين  
الذيع والمجرم !!





حركة التحرير الوطني الفلسطيني - فتح  
إقليم استراليا



خرافية

### حجبة محجوب

كان يا مكان يا مستمعين الكلام من الثم لذان حتى تصلوا عالنبى بدر التمام - صلى الله عليه وسلم - بنحكي ونسمع الكلام وإلا نقوم تا نام، ألف الصلاة والسلام عليك يا حبيب الله قول وحكي من أخبار زمان. كان في قديم الزمان وسالف العصر والأوان، شيخ درويش اسمه محجوب كان عايش زاهد وعلى الدنيا مش مطارذ كل حياته قاعد بخشة زغيرة بوكل من أرظه لا يشتري ولا يبيع ولا عنده ولد ولا تلد ما هو فرداني مش متجوز، كان ما يحكي إلا لميحة وما بسمعه منه إلا ذكرى وتذكير قرآن ودروس دين ولا عمره فرض رايه على الناس ولا عمره قال أنه فهمان والباقي جهال، كان يقول أنا هيذ قرابت وطول ما هو الواحد عايش إلا ما يتعلم شغلة جديدة والدين مثل الحياة كل يوم بطلع علم الجديد ودعائي ربي اللهم زدني علما. وكانن النسوان يروحن عليه يقرى على ولادهن قرآن ويرقي المريض ويدعي المنكوب ويوفق بين الحردانيين وهيذ نعرف إنه شيخ محجوب إسرار القرية عنده بس عمره ما طلع سر حدا وإنه بساعد الناس وما برضى حدا يساعده كان يقول للناس روح شوفك فقير إطعمه الحمد لله أنا الله عاطيني مش بعازتك وساعدتك محبة بالله وبدي رضى ربي وإذا عجبك قولي خذه وإذا ما عجبك شاور عقلك وقلبك بذلك على الصبح فش حدا بعرف إلتي جواتك قدك.

هاظا الحكي ما كنش عايب الشيخ حمدي إمام المسجد وإلتي كان يقول إلتي بده علم لازم يدفع وإنه هو لا عنده أرظ ولا دكان وعايش على شغلته قاضي بين الناس ويعطي دروس بمصاري إشي قرآن وإشي دين وحتى كان يعمل حجابات بمصاري حجبة الرزقة وحجبة اللفة وحجبة حيلة وحتى حجبة الودفة كله بسعره وكانن حجاباته بجيبين نتيجة والناس مبسوطين عليه، بس هو طماع وبده كل البلد تيجي عنده وبدوش حدا يروح على الشيخ محجوب، صار يطلع عليه حكي ويقول إنه مخاوي جنية وإنه هيي إلتي بتصرف عليه وبتطبخ له وأكثر من هيذ إنه دايماً بقعد مع الأولاد وبحبش النسوان والله يعلم إنكان تاع أولاد وإلا الجنية بتغار من النسوان.

لحد ما يوم صحت البلد وفقدوا الشيخ حمدي وقالوا أنه راح مشوار وطال غيابه وإلتي قال إنهم شافوه بخشة الشيخ محجوب وإلتي بقول شافوه فوق حردون كبير مربوط وإلتي بده يسمع حكي عنه يروح ويسمع إيش قاله عنه أهل البلد، إلا مرا كانت ناصتة وما قالت إلا حجبة محجوب بتحجب الباطل وبظل الحق عايم الحق ما بذوب بالباطل، ياما الشيخ حمدي عمل عمايل وياما وقف الغني بالباطل ضد العاجز الفقير وياما قطع نصيب ولايا وياما أخذ لقمة من ثم الجيعان لأنه ما يشتغل ببلاش كله لازم يدفع. سألوا إيش يا حجة حجبة محجوب ومين إلتي عمل حجبة للشيخ حمدي؟ ردت عليه المرا: حجبة محجوب من جنية إسمها بدرا وهيي عابدة ساجدة لربها ولما بتشوف الباطل غلب الحق وإنه الحق صار ضوه مش مبين بتقوم وبتعمل حجبة رضى ربي. والشيخة بدرا ما بتطلع لا لإنسي ولا لجني وهيي بتعرف لمنيح وبتساعده وبتقول إنها مش بعازته ويتوقف بوجه ألف مارد لتتصر عبد فقير مالوش ظهر ولا سند، ومرات كثيرة إلتي بعملوا العاقل بقولوا دفعنا إشي وشويات وراضينا ملوك الجن وليش إلتي ما بدنا إياها صار وأصل الحكي أنه ربي إله جنوده ومين يقدر على جنود ربي.





حركة التحرير الوطني الفلسطيني - فتح  
إقليم استراليا



صدر حديثا

### كتاب فلسطين في الكتابة التاريخية العربية

تأليف المؤرخ والمفكر الفلسطيني اليساري ماهر الشريف.  
صادر عن دار الفارابي / بيروت.



### فراشات فلسطين

الاسم العلمي

**Gomalia Elma**

جوماليا إلما

